

序

邑之有志。猶朝之有史也。其不言史而言志者。何所以別於史也。譬之

姓。史。大宗志。小宗也。譬之水。史。四海志。百川也。今之邑。古之侯國耳。昔夫子因魯史作春秋史。



乃成經。其後龍門扶風諸君子。擅三長之美。爲史家絕調。卽范曄陳壽。歐陽文忠。尚有體裁。其

餘憤憤。或入稗官小說者。流矣。蓋史之難也。如此志體不效編年。擬史不敢擬經也。一邑所載。

有關於善惡勸懲之大
則志而有史之體。且得
乎經之意矣。南宮舊志。
邢子愿先生筆也。滄桑

事異。漫漶滅沒。不可復
讀。且明神宗中年。暨今
星霜七八十易。封域猶
故也。而風俗或易矣。營

建日新也。而賦役迥別
矣。邑大夫之撫字心勞。
蔽芾載咏。賢紳士之功
名自奮。竹帛競新。其他

登高作賦。遇物能銘。彤
管流芬。鷁飛紀異。諸事
類。及今不爲叙述。俟之
他日。倘文獻無徵。以致

禮樂缺失。豈賢有司表
率茲土之義乎。此遜齋
胡父母所以急於纂輯。
而煥然麟炳有光琬琰

也。余讀之而有所感矣。
志雖一邑。其例已同於
史。若彭縣令之殉難。則
張巡許遠之義也。張顯

祖白秉德之文學。則駱
賓王李巨山之匹也。田
神功白宗玉之武烈。則
李光弼王靖遠之亞也。

李純臺賈道乾之清直。

則趙閱道劉器之之次

也。劉濬伯張文西之理

學。則劉靜修胡敬齋之

儔也。韓廷噐杜于盤之
盛德則石萬石竇燕山
之風也。張貞女白節婦
一閩範則曹娥共姜之

操也。於乎盛矣。遜齋胡

父母之用心可謂至矣。

讀斯志也。得其全豹。有

合於經史之大意。豈但

曰民人社稷。關興革之
大端已乎。方今

聖天子緝熙懋德。光被四
表。左史右史。記言記動。


木天之彥。蒸蒸嚮風。以
是而出入承明之廬。簪
筆文石之陞。邑侯真其
選也。吾拭目望之矣。若

其凡例之有變通更易
修輯之蒐采纂述。具載
於篇籍之首。又何庸余
贅時。

大清康熙十有二年季
夏上浣之吉

賜進士出身光祿大夫
太子太傅保和殿大學

士兼禮部尚書加一級
前太子太保吏部尚書
栢鄉魏裔介頓首拜撰
於兼濟堂



序

國有史邑有乘其名異其記事一也第
史貴嚴書法貴直錄其大不著其小乘
則取諸載廣羅博搜有所見有所聞有
所傳聞罔不登焉古庶方小侯得各紀
其山川風物習俗土宜貢之王國掌之
外史藏之內府又歲命小行人周適四
方採聽風聞辨悉民隱彙爲一書以報
命于王故其時在上者端委南面而九
州情形咸晰志不慕重哉自後世視爲
緩圖故典漸湮志歷數十年弗修殘缺
失次夏五郭公卽孔子操觚不能無軼

簡也矧渺茲宮邑幾經兵火事多湮沒
不亟表著雖美弗彰今

國家四海同風右文興治允輔臣修一統
志之請

詔諭各省纂修通志潤色

皇猷固一代盛舉胤銓不敏承乏茲土錢

自序

二

穀刑名日以不給是懼而能堪脩明之
責乎然而封域之分野營建之沿革疆
域之廣狹山原川隰之阻修田賦力役
之輕重土俗之奢儉廟祀之廢興以及
乎物類之不一其產災祥之不一其變
官守之不一其秩升舉之不一其遷

材之不一其軌公侯也將相也忠臣孝子也仁人義士也貞女烈婦也文藝也武績也有文藝而著述非一端也或人以文重則傳其文或文以人重則傳其人或人不同于邑而爲同于邑者之文也則人當附文以傳或有治斯邑者之

自序

三

文之人與往治他邑者之贈之文也則當採以竝傳何莫非長吏所宜博稽訪求者銓于是弗敢辭復惴惴焉弗敢自任乃進鄉先生而諮之有教我者曰是志也一修于葉令諱恒嵩者年遠矣書弗獲存矣再脩于邢令諱侗者亦百年

遠矣書雖存存而弗備猶弗存也

銓聽

之矍然起曰嘻若之何以弗備者爲志
而獻於廷也益復惴惴焉廣耳目竭心
思搜故家之藏集鴻儒之秘審定風謠
綜核佚事凡一邑之所見異辭所聞異
辭所傳聞異辭皆一一而考證之其間

有不逮者則式賢達之廬而藉爲指南
登著作之堂而共爲參稽雖才拙無狀
而幸奏成書將百年已墜之典章蔚然
明備于以鼓吹休和奉揚文教敢謂一
邑之志非民生

國憲之所係歟若夫文有美刺義有褒貶

善善也長惡惡也短此春秋之法史氏
之職也彈丸下吏何敢執筆而擬其事
大清康熙十有二年孟秋月朔日知南宮
縣事楚孝感胡胤銓序



南宮縣志凡例

知縣楚孝感胡胤銓重輯

一舊志失序今序其首以約舉故實非敢刪前序也
一舊志提綱十有三曰圖經沿革表建置志事記賦
役志祠祀志侯王世表官師年表科貢年表循良
列傳人物列傳一人物列傳二及藝文志今止編
十有二曰封域志營建志賦役志禮儀志事異志
官師表選舉表錫命表循良表人物傳列女傳藝
文志文事仍舊編次略異

一舊志圖經曰總圖治圖分野疆境山川古蹟陵墓
南宮縣志 凡例 一

市集物產歲時土俗風俗夫圖非文也已另圖於
前不必列卷今標其目曰封域志而爲星野爲沿
革附以古蹟焉沿革封域所由來也不必另卷今
并收之封域志中爲山川則疆境陵墓附焉爲里
社則市集附焉市集卽里社之所聚也故備列其
名於後物產則仍舊志陵墓舊有銘誌今總收之
於藝文中歲時土俗皆俗也今統之曰風俗
一舊志建置志曰城池公署書院郵舖亭臺橋樑寺
觀今改營建志入城池公署附以驛舖學校壇壝
廟寺坊表亭臺學校舊載祠祀志今以學校之規

制收入營建內祀典則載禮儀壇壝城隍俱列焉
祠廟舊附祠祀夫祠祀重典也無祀典者亦附之
未免褻矣今以有祀典者載禮儀中無祀典者附
營建餘仍舊

一舊志賦役志時踰百年地畝戶口款項增減撥解
不一多有異同今止就冊籍見在者以列焉參酌
盈誦以俟後之君子

一祠祀志舊無名目今改禮儀志曰

聖誕元旦冬至節詔赦至日食月食鞭春鄉飲酒禮

闕武文廟祀典壇壝祀典文廟後則附名宦鄉賢

南宮縣志

凡例

二

壇壝後則附馬神城隍八蜡其所錄節文舊志有
不載者殆疑同乎然諸禮皆

朝廷重典雖同必錄

一舊志事記嫌于紛雜今改事異志曰事記曰災異
曰蠲賑事記有無關輕重及重見者俱刪之以便
觀覽

一舊志官師表仍舊今續

一舊志科貢年表今改選舉表歷代選舉之制不一
而人材不盡於科貢統曰選舉而各表之則凡武
士舉人及掾吏皆得附焉